

ხელშეკრულება
სახელმწიფო შესყიდვების შესახებ № 21/87

ქ. თბილისი

24 მაისი, 2012 წ.

1. ხელშეკრულების მხარეები და მათი რეკვიზიტები

ერთის მხრივ, საჯარო სამართლის იურიდიული პირი – ვაჟა-ფშაველას სახელობის ქალაქ თბილისის №87 საჯარო სკოლა (შემდგომში - შემსყიდველი), დირექტორის მოვალეობის შემსრულებლის – მაკა ბეჟანიშვილის სახით (მისამართი: ქ. თბილისი, 0144, ქეთევან წამებულის გამზირი 90/2. საიდენტიფიკაციო კოდი: 206031694. საბანკო რეკვიზიტები: სს „საქართველოს ბანკი“ ცენტრალური ფილიალი, ისნის სერვის ცენტრი, ბანკის კოდი BAGAGE22, ანგარიშსწორების ანგარიში №GE65BG0000000339410400)

მეორეს მხრივ, ი/მ ნანული ზანანაშვილის (შემდგომში - მიმწოდებელი) სახით (იურიდიული მისამართი: ქ. თბილისი, ისნის რაიონში/ვახისუბნის დას. II მ/რ, კ9, ბ31. ფაქტიური მისამართი: ქ. თბილისი, ქეთევან წამებულის №98. საიდენტიფიკაციო კოდი: 01012024574. საბანკო რეკვიზიტები: სს „საქართველოს ბანკი“, ბანკის კოდი BAGAGE22, ანგარიშსწორების ანგარიში № GE30BG0000000146120100)

საქართველოს კანონის „სახელმწიფო შესყიდვების შესახებ“ მე-3 მუხლის, პირველი პუნქტის, „ს“ ქვეპუნქტის შესაბამისად, სახელმწიფო ბიუჯეტიდან მიღებული ასიგნებების ფარგლებში, გამარტივებული შესყიდვის მეთოდის გამოყენებით, ვდებთ წინამდებარე ხელშეკრულებას შემდეგზე:

2. ხელშეკრულების საგანი

- 2.1. მიმწოდებელი იღებს ვალდებულებას ამ ხელშეკრულების პირობებზე სსიპ ვაჟა-ფშაველას სახელობის ქალაქ თბილისის №87 საჯარო სკოლას ქ.თბილისში, ქეთევან წამებულის გამზირი 90/2 მდებარე შენობაში მიაწოდოს შემდეგი საქონელი – ფარდები - CPV 39515100) (იხ. დანართი №1).
- 2.2. შემსყიდველი იღებს ვალდებულებას, სახელმწიფო ბიუჯეტიდან მიღებული ასიგნებების ფარგლებში, აუნაზღაუროს მიმწოდებელს ხელშეკრულების ფასი ხელშეკრულებით განსაზღვრულ ვადებში და ფორმით.
- 2.3. ხელშეკრულების დანართი №1 წარმოადგენს ხელშეკრულების განუყოფელ ნაწილს.

3. ხელშეკრულების ჯამური ღირებულება

- 3.1. ხელშეკრულების ჯამური ღირებულება განისაზღვრება საქართველოს ეროვნულ ვალუტაში და შეადგენს 117.00 (ასწიდეშეტი ლარი) ლარს.
- 3.2. ხელშეკრულების ჯამური ღირებულება შეიცავს საქონლის მიწოდებასთან დაკავშირებულ მიმწოდებლის ყველა ხარჯს.

- 3.3. ხელშეკრულების ჯამური ღირებულება შეიცავს საქართველოს კანონმდებლობით გათვალისწინებულ ყველა გადასახადსა და მოსაკრებელს.
- 3.4. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4. საქონლის მიწოდების ვადები

- 4.1. მიმწოდებლის მიერ საქონლის მიწოდება უნდა განხორციელდეს ხელშეკრულების გაფორმებიდან არაუგვიანეს 5 სამუშაო დღის განმავლობაში.

5. საქონლის მიღება-ჩაბარების წესი

- 5.1. მიწოდებულ საქონელზე მხარეები აღგენენ მიღება-ჩაბარების აქტს, რომელშიც მითითებული უნდა იყოს საქონლის აღწერილობა და მისი საერთო ღირებულება.
- 5.2. საქონლის გადაცემა დასტურდება ორივე მხარის მიერ ხელმოწერილი მიღება-ჩაბარების აქტის და წარმოდგენილი სასაქონლო ზედნადების საფუძველზე.
- 5.3. საქონლის მიღებას აწარმოებს ვაჟა-ფშაველას სახელობის ქალაქ თბილისის №87 საჯარო სკოლის დირექტორის მოვალეობის შემსრულებელი – მაკა ბეჟანიშვილი.

6. ანგარიშსწორების ფორმა და ვადა

- 6.1. მხარეები ანგარიშსწორებას ახორციელებენ უნაღდო ანგარიშსწორების ფორმით საქართველოს ეროვნულ ვალუტაში მხარეების მიერ ხელშეკრულებაში მითითებულ საბანკო ანგარიშზე.
- 6.2. შემსყიდველი ორგანიზაცია ვალდებულია მიღება-ჩაბარების აქტის გაფორმების დღიდან არაუმეტეს 10 სამუშაო დღისა აუნაზღაუროს მიმწოდებელს მიწოდებული საქონლის ღირებულება.

7. მხარეთა უფლება-მოვალეობანი

- 7.1. მხარეები პასუხს აგებენ ამ ხელშეკრულების პირობების დარღვევით ერთმანეთისათვის მიყენებული ზარალისათვის.
- 7.2. მიმწოდებელი ვალდებულია:
- ა) უზრუნველყოს წინამდებარე ხელშეკრულების მე-2 მუხლით გათვალისწინებული საქონლის მიწოდების დასრულება ხელშეკრულების გაფორმებიდან არაუგვიანეს 5 სამუშაო დღის განმავლობაში;
 - ბ) შემსყიდველი ორგანიზაციისათვის საქონლის გადაცემიდან ერთი თვის ვადაში ხელშეკრულების დანართით გათვალისწინებული თითოეული საქონლის ნაკლის

აღმოჩენის შემთხვევაში, შეტყობინების მიღებიდან არაუგვიანეს ორი სამუშაო დღის განმავლობაში შეცვალოს საქონელი მსგავსი დასახელების საქონლით;

გ) განიხილოს შემსყიდველის პრეტენზიები და მიაწოდოს მოტივირებული პასუხი ყველა საკითხზე, აგრეთვე დაუყოვნებლივ უზრუნველყოს აღმოჩენილი ხარვეზის გამოსწორება;

დ) ჯეროვნად შეასრულოს ამ ხელშეკრულებით ნაკისრი ვალდებულებანი;

ე) მიმწოდებლის მიერ საქონლის მიწოდების ვადის გადაცილების შემთხვევაში გადაუხადოს შემსყიდველს საურავი ყოველ გადაგადაცილებულ დღეზე ხელშეკრულების ჯამური ღირებულების 0.1 პროცენტის ოდენობით.

7.3. მიმწოდებელი უფლებამოსილია უარი განაცხადოს საქონლის მიწოდებაზე, თუ:

ა) საქონლის მიწოდება შეუძლებელია წინამდებარე ხელშეკრულებით გათვალისწინებული ფორს-მაჟორული მოვლენების გამო;

ბ) შემსყიდველი არ იცავს წინამდებარე ხელშეკრულებით განსაზღვრულ პირობებს.

7.4. შემსყიდველი ორგანიზაცია ვალდებულია:

ა) მიმწოდებელს ხელშეკრულებით გათვალისწინებულ ვადაში აუნაზღაუროს მიწოდებული საქონლის ღირებულება;

ბ) ანგარიშსწორების ვადის გადაცილების შემთხვევაში მიმწოდებელს გადაუხადოს საურავი ყოველ გადაგადაცილებულ დღეზე გადაუხდელი თანხის 0,1 პროცენტის ოდენობით.

7.5. შემსყიდველი ორგანიზაცია უფლებამოსილია:

ა) შეასრულოს მასზე ნაკისრი ვალდებულება ხელშეკრულების პირობების თანახმად;

ბ) მიმწოდებელს გადაუხადოს ამ ხელშეკრულებით გათვალისწინებული საფასური წინამდებარე ხელშეკრულებით გათვალისწინებულ ვადებში;

გ) უზრუნველყოს ხელშეკრულების შესრულების კონტროლი;

დ) განახორციელოს ამ ხელშეკრულებით მასზე დაკისრებული სხვა ვალდებულებები.

7.6. თითოეული მხარე ვალდებულია კეთილსინდისიერად შეასრულოს ხელშეკრულებით ნაკისრი ვალდებულებები.

8. ხელშეკრულების ინსპექტირების პირობები

8.1. შემსყიდველი ორგანიზაცია უფლებამოსილია საქონლის მიწოდების პარალელურად განახორციელოს შემოწმება, რომლის მიზანია ხელშეკრულების ობიექტის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.

8.2. შემსყიდველი უფლებამოსილია განახორციელოს მიწოდებული საქონლის ინსპექტირება საქონლის მიწოდებიდან 10 სამუშაო დღის განმავლობაში, რისთვისაც გამოყოფს უფლებამოსილ პირს: ვაჟა-ფშაველას სახელობის ქალაქ თბილისის №87 საჯარო სკოლის მატერიალურ-ტექნიკური უზრუნველყოფის კოორდინატორს ირაკლი გულარაშვილს, რომელიც

აგრეთვე უფლებამოსილია ჩაატაროს ხელშეკრულების პირობების შესრულების ინსპექტირება, ხოლო მიმწოდებელი ვალდებულია ხელი შეუწყოს ინსპექტირების ჩატარების დროს.

8.3. შემოწმების შედეგად გამოვლენილი ნებისმიერი ნაკლის ან დეფექტის შესახებ შემსყიდველი ორგანიზაცია დაუყოვნებლივ წერილობით აცნობებს მიმწოდებელს წუნდების მიზეზების მითითებით.

8.4. მიმწოდებელი ვალდებულია წერილობითი შეტყობინებიდან 2 (ორ) დღეში გამოასწოროს წუნი.

8.5. გამოვლენილი ნაკლის ან დეფექტის აღმოფხვრასთან, ასევე ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, საქართველოს კანონმდებლობით დადგენილი წესით.

9. ფორს-მაჟორული სიტუაციები

9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა.

9.2. ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომელსაც აქვს წინასწარ გაუთვალისწინებელი ხასიათი და არ არის დაკავშირებული შემსყიდველი ორგანიზაციის ან/და მიმწოდებლის შეცდომებსა და დაუდევრობასთან. ფორს-მაჟორი შეიძლება გამოწვეული იქნას ომით, სტიქიური უბედურებით და სხვა გარემოებებით.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ.

9.4. მხარეები ანახლებენ თავიანთი ვალდებულებების განხორციელებას ფორს-მაჟორული გარემოებების აღმოფხვრისთანავე.

10. სხვა პირობები

10.1. ეს ხელშეკრულება ძალაში შედის მხარეთა უფლებამოსილი წარმომადგენლების მიერ ხელმოწერისთანავე და მოქმედებს 2012 წლის 31 დეკემბრის ჩათვლით.

10.2. მხარეთა შორის ხელშეკრულებასთან დაკავშირებული დავა წყდება მოლაპარაკებების გზით 5 დღის განმავლობაში. შეთანხმების მიუღწევლობის შემთხვევაში საკითხს წყვეტს სასამართლო.

10.3. ორივე მხარე უფლებამოსილია შეწყვიტოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, აგრეთვე საქართველოს მოქმედი კანონმდებლობით გათვალისწინებულ შემთხვევაში. ხელშეკრულების შეწყვეტის შესახებ მხარეები წერილობით აცნობებენ ერთმანეთს 5 დღით ადრე.

10.4. მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს. ხელშეკრულება შედგენილია ქართულ ენაზე, ორი თანაბარი იურიდიული ძალის მქონე ეგზემპლარად, რომელთაგან თითო-თითო ეგზემპლარი გადაეცემათ მხარეებს.

მიმწოდებლის მხრიდან:

ი/მ ნანული ზანანაშვილი

/ ნანული ზანანაშვილი /



24 მაისი, 2012 წ.

შემსყიდველის მხრიდან:

სსიპ ვაჟა-ფშაველას სახელობის
ქალაქ თბილისის №87 საჯარო სკოლა

დირექტორის მოვალეობის
შემსრულებელი

/ მაკა ბეჟანიშვილი /



24 მაისი, 2012 წ.



2012 წლის 24 მაისის №21/87 ხელშეკრულებასთან

ფასების ცხრილი

№	საქონლის დასახელება	საქონლის დასახელება და CPV	რაოდენობა	ერთეულის ფასი	თანხა
1	ფარდები	ფარდები CPV 39515100	7.50 მეტრი	15.60	117.00
				სულ:	117.00

მიმწოდებლის მხრიდან:

ი/მ ნანული ზანანაშვილი

შემსყიდველის მხრიდან:

სსიპ ვაჟა-ფშაველას სახელობის
ქალაქ თბილისის №87 საჯარო სკოლა

დირექტორის მოვალეობის
შემსრულებელი

/ ნანული ზანანაშვილი /



24 მაისი, 2012 წ.

/ მადო გვენაშვილი /



24 მაისი, 2012 წ.